

Gunghcwngz: Banggungz Dinfwngz Dawz Hohgungzhoj Bienqbaenz Boux Daiq Lwgnding Miz Cienz Haeuj

恭城：技能扶贫把贫困户变育婴师有“钱途”

9 nyied 18 hauh, aen banbeizyin boux daiq lwgnding 12 ngoenz Gunghcwngz Yauzcuz Swciyen Gyahvei Cin guhdangj laebgaj bouxguh hong hohgungzhoj gaenq sat lo, geiz beizyin neix yozyenz gungh miz 35 boux doenggvaq gaujhwz baenz boux daiq lwgnding habgek he.

Vih coicaenh aen gunghcwngz “banggungz dinfwngz”, Gunghcwngz Yauzcuz Swciyen Rahong Guhhong Fuzvu Cungsimeienmonz vih vunzhong hohgungzhoj banh ban fuzvu ndawranz caeuq boux daiq lwgnding, bae daengz yienh、yangh (cin)、cunh sam gaep guh beizyin. Bineix gungh hai ban 12 geiz, beizyin 505 boux vunz, ndawde 325 boux dwg hohgungzhoj guhdangj laebgaj. Yozyenz beizyin habgek le doenggvaq cizeyz doigawj soengq daengz Sinhein Gyahcwng Fuzvu Gunghsw hguh hong. Ciuq gyoepsuenq, aen yienh neix gungh miz 500 lai vunz youq Sinhein Gyahcwng Fuzvu Gunghsw hguh hong, moix vunz moix ndwen cienzhong 3000 maenz doxhwnj.

(Cwng Ciminj/郑智敏 Luz Vwnzcing/陆文静)

► Hai banbeizyin yienhciegz.



Lozcwngz: Guhbaenz Ranzruzhoj 2878 Gan Angq Buen Haeujbae Youq 2548 Hoh

罗城：2878套扶贫房建成 2548户喜搬入住

Geij bi neix daeuj, Lozcwngz Mulaujcuz Swciyen dawz hong buen-ranz banggungz senjdieg dangguh aen gunghcwngz vuenyungz cauhfuk luegbya、gietdingh dwkhingz vut-gungz he, yiemzgek guhsaed cwng-cwz, roengzrengz gyavaiq cindu hohgungzhoj buenhaeuj “suenranz Mulauj”、“mbanj funghvuengz” aen cwngzgi h youq neix caeuq yangh cin giz diemjanyouq. Daengz bineix 8 nyied daej, gaenq guhbaenz 2878 aen ranzanyouq, buen haeujbae youq 2548 hoh 11734 vunz, haeujyouqlwd dabdaengz 94.8%.

(Mungz Cwnghsw/蒙增师)



▲ Ranzruzungz guh youq giz funghgingi gyaeunde haenx.



▲ Angq gvaq gaiq daih' it ciet fungsou nungzminz.

Yungzsuij: Mbanjmyauz Byalueg Angqcoux Gaiq Daih' it “Ciet Fungsou Nungzminz”

融水：深山苗寨喜迎首届“农民丰收节”

9 nyied 15 hauh, Yungzsuij Myauzcuz Swciyen angqcoux Cungguek gaiq daih' it “ciet fungsou nungzminz”——2018 geiq gangqbya seizcou haiguh yizsi youq Ganjdung Yangh Vahmah Myauzcaiz gawjhengz, geij bak boux Myauzcuz vunzlai caeuq hekyouz caezgya haiguh le ndawnaz bengcag、ndawnaz gaebbya、conzdungj fadhaeux caeuq gangqbya hozdung, angqhoh fungsou.

Yungzsuij miz cungj sibgvenq neix, ndaemgyaj seiz couh cuengq byaleix haeuj naz bae itheij ciengx, daengz seizcou haeux henj bya biz, souhaeux gangqbya couh baenz le cungj gingjsaek yinxvunz ndeu.

(Lungz Linzci/龙林智)

Vanzgyangh: Fanh Moux Makbug-hom Dawzmak Cughenj Coux Hekyouz

环江：万亩香柚成熟迎“柚”客



▲ Hekyouz haeuj ndaw suenmak bae daejniemh gij yinx mbaet makbug de.

9 nyied 19 hauh, youq aen gihdi guhyiengh makbughom simhoengz Vanzgyangh Mauznanzcuz Swciyen Daanh Yangh Mbanjdangzgvanh, makbughom simhoengz saek gimhenj haenx dawz dwk nuengj raixcaix, ndei yawj dangqmaz, yinx ndaej haujlai hekyouz haeuj ndaw suenmak bae daejniemh gij yinx gag mbaet mak de, caezgya angqhoh fungsou.

Geij bi neix daeuj, Vanzgyangh okdaiz ruzungz cwngcwz, soucomz cienznaganz, cingjhab bumwnz sw-hyenz, cauhyuh gij dieg guhyiengh ndaem makbug simhoengz, daiqdoengh gyoengq nungzhoh daihlig hwngfat hongsaeh makbug simhoengz. Daengz seizneix, daengx yienh ndaem makbug simhoengz menciz dabdaengz 6.2 fanh moux.

(Veiz Yui/韦睿)